

Hotel cu suplica urgente pa STOP cu Grand Prix di Karting

ORANJESTAD (AAN): Turistanan ta bin Aruba pa goza di tranquilidad, relaha, y disfruta di nan dianan di vacacion na un forma suave.

Esaki ta algo cu awe y mañan e turistanan cu ta hospeda na Talk of the Town Hotel lo no goza nada di dje, pasobra un genio a dicide pa organiza un Grand Prix di Karting riba Linearpark, y tambe full rond di e Hotel.

Con por ta cu full un Hotel ta bay keda henter dia isola, cu caredanan full rond di su terreno? Con turistanan por sali of yega abiertamente cualkier ora di dia, e fin di siman aki? Con por a duna permiso pa esaki tuma lugar? No a consulta cu e hotel di antemano?

Awe Diasabra, e caminda lo ta cera pa asina nan tene caredanan di prueba y 'qualifica-

tions' casi henter dia. Y tambe Diadomingo e lo ta henter dia isola cu caredanan.

Het kan wel verkeren. Con por ta posible cu e Hotel aki, di cual como 75% di su turistanan ta check-in y check-out riba Diasabra cu Diadomingo, ta bay keda full cera cu baricada debi na caredanan?

Con ta posible, cu turistanan cu ta bin Aruba pa relaha, ta bay tende henter dia e sonido irritante di e motornan di Karting ta core full rond di nan? E Hotel lo bay ta manera un neishi di pober turista, rondona pa sonidonan pisa cu sigur lo bay pasa e Decibel di sonido aceptable pa oido humano.

Pa colmo, Diasabra tambe lo tin concierto ABC den Cas di Cultura.

Sigui lesa pag. 3

Continuacion pagina 2

Mirando tur esaki, DIARIO a ricibi informacion cu Halto Comisario di Polis, a ricibi Diabierna atardi un carta urgente di Hurista di Talk of the Town cu e peticion pa STOP e caredanan inmediatamente.

Nan ta sugeri pa organiza e eventonan aki riba e fabuloso pista di Karting cu tin na Bushiri, of lugarnan Industrial unda lo no stroba fluho di trafico.

Diasabra mes ya caba Oranjestad ta hopi druk. Mayoria di check-in y check-out di Timeshares na Aruba ta socede riba Diasabra y Diadomingo y cu e area aki full cera, lo bay pone extra presion riba cayanan alternativo manera

Avenida Milio Croes y tambe Avenida Watty Vos.

Diasabra y diadomingo ta dianan cu aeropuerto ta yen di vuelo y cu tin turistanan an rijnan largo te pafo pa check in y despues aborda avion pa nan vuelo. Taxistanan ta riba abao cu turistanan cu ta yega y cu ta bandona nos isla, y tur lo keda perhudica cu Lloyd G. Smith Boulevard cera na altura di e hotel y rotonde Las Americas.

Por favor, ora di organiza evento asina, pone na otro lugar unda no tin hende ta relaha of drumi. turistanan no a bini nos isla pa scucha boroto di motornan di karting den nan cabez dos dia largo. Nan ta bin pa relaha, descansa y pasa nan vacacion tranquil.